



CHANSON GOZ, VAR SUJET PEDER VREG.

Var un ton divertissant.

SELAOUIT, hac e clêlot cana ur Ganouen
Zo composet pell a zo da beder Femelen ;
Zo composet pell a zo da beder seurt Grague ,
E calz eus a gontreou e caver aneze.

Bezit oll attantif mad da glêvet va c'homzou ,
Hac ho pezo plijadur o clêvet marvaill :
Ar beder Vreg-màn a zo control an eil d'eben ;
Selaouit hac ententit , rac ne disrezàn den.

Ar Vreg-Vad eo ar guenta demeus ar beder-màn ,
A ra stad eus e fried , e deus soign anezàn.
Pa zavo eus e goele abret d'ar mintin mad ,
Er golo eno tomic etouezic an dillat.

Ar Vrec-mâ a zo bepret soignus eus e friet ,
Da brepar' dezàn e lein abars ma vo savet ;
Ebars en ur scudellic pe ur podic hian
Vo laget da vitona e qichennic an tân.

Pa zavo off dud an ty , arabat e vo dê
Ober trous , aon difuni an ozac'h er guele ;

Ret eo dê beza sioul bras epad ma pad ar pred,
Rac aon da geni'n ozac'h zo c'hoas anter-gousqet.

N'em dic'hourdi rai'n ozac'h neuze en e vele,
Digueri e zaoulagad da c'hout bac én vo de;
Neuze' visqo e zillat eno e plijadur,
Cetu savet an ozac'h mintin-mat a dra sur.

Ar Serjant-Greg eo goude, ne deus qet a rôson
Mui eguet en deus un tygr petramant eul leon,
Ha ne deveus qen sourci nemet destum mado,
Ne glêfac'h qet anezi o comz eus ar maro.

Pa zavo ar Serjant-Greg neuze deus e guele;
E qemero ur bisforc'h hac e yel da vale,
Evit guelet he farcou, he frajou tro-var-dro,
Ha mar cav ar zaout enne, ractal o bac'hañ.

P'erruo ar Serjant-Greg a c'houde pourmeni,
Ha ma na ve qet savet servicherien he zy,
Neuze vezo e c'hlêvet o cana ur guentel!
Gant calz a leoudouet e ray dezo sevel.

Guell ve da ur servicher beza en ur prison,
Destumet hac amaret en eur bassefos don,
Egues beza oblijet da Vreg evel oumâ,
N'en deus qet a blijadur o ranc he servicha.

An Vreg-Arc'hant eo goude, honnes zo suffisant;
Ne fell dei ober netra nemet evit arc'hant,
Qement e plich dei arc'hant hac ouspen-ze an aour,
Ne c'houlen ober netra james evit ar paour.

Pa zayo ar Vreg-Arc'hant da rei amann ha lès,
D'an dud a vezoganti pe labourerien guès,
Neuze vo taillet dezo justa ma vo gallet:
Guell ve ganti caout arc'hant egues repas reglet.

Hac e vec'h bet pell-amzer e ty an Arc'hant-Greg,
Nos ha deiz o labourat, hep cessi ur momet,

Mar deut goude-ze da glasq un draic benaquet,
Ma noc'h eus qet a arc'hant et viot refuset.

Ar Vreg-Gougoul a gundu tri autrou en he zy,
Ar c'henta eus aneze zo hanvel Diegui,
An eil a zo Goal-Fêçon, Luguden an drede:
Sellit penos e cundu ar Vreg e autrone!

Pa zavo an ozac'h qès a demeus e vele,
E lavaro d'e bried : sao alesse ive;
Mes Diegui lavaro neuze e bêt gomzou :
Abret omp c'hoas da zavel, souchomp amàn lion daou.

Neuze' soucho an ozac'h coantic en e vele,
Hac e couesco Diegui gantân oc'h e goste;
Credi ràn a dra derten penos er barres-màn
E caset calz a C'hreguez zo hènvel oc'h oumâ.

Pa zavo ar Vreg-Gougoul neuze deus he guele,
Var digare qerc'hat tân e yelo da vale;
Var digare qerc'hat tân pe un dra benaquet,
E zai da gonta marvaill d'e c'hommer Guillemet.

Compagninez enorabl, bremâ oc'h eus clêvet
Disclêria en abrege buez ar beder C'hreg;
Rac-se'ta, me ho suppli, dre guriosite,
Da brena peb a gopi da stag' ouz ho cuele.

Nep en deus grêt ar Chanson a guelen ar re all
Ha gouscoude e-unan en deus lec'h da zivoal :
E mà e quer bars danger ha ma ve den ebet,
Gant aon na deuse deân attrap ur Gougoul-Greg.

F I N.



DISPUT ETRE MOLARGE HAC AR C'HORAIZ.

Var ton Chanson ar Brezel.

Bonjour dêc'h-u, va Mignonet, joa ameus ouz ho cuelet,
EVit cana dêc'h un Disput pell-ámzer zo composet,
Var ar sujet a Volarge hac ar C'horais e zê grêt ;
Me ho suppli ta, Bretonet, da zonet oll d'e c'hlêvet.

MOLARGE.

Orça ta, eme Molarge, deut ez òn c'hoas en ho touez,
Evit joaussat caiz a dud ebars er rouantelez,
E Breiz, ebars en Normandi, e qement provinç a Franc,
Evel ma ve deut Molarge, e ve calz rejouissanc.

AR C'HORAIZ.

Molarge a zo sur un den hac a gar ober cher-vat ,
Hac e vrassa contantamant eo oc'h eva boutaillat ;
Un infam eo hac ur gourmant, carguet a voal exemplou ,
Hac a laca calz dizurzou var ar mæs hac er c'hæriou .

Ar C'horaiZ a zo un amzer hac a gar ar binijen ;
Ne fell qet dezàn clêvet comz meus a dra fall a genn ;
Ar C'horaiZ memes zo un den carguet eus a zantelez ,
Evit sicour ar gristenien d'ober o zilvidiguez .

Ar C'horaiZ a zo un den deut eus abers Salver ar bed ,
Evit dont da burisia un den demeus e bec'het .
Un den eo leun a vertuzion , hac a gar mad hon ene ,
Evit beza recompanset gant un Doue gonde-ze .

Ha racse eta , Molarge , quitta buan ar c'hontre ,
 Rac certen te a zo un den carguet a impurete ;
 Da galon zo ive carguet a voal inclination :
 Capapl out da zaoni an dud dre ar vro e peb canton.

MOLARGE.

Bah ! ro peoc'h dìn-me , Coraiz ; te zo ordinaire trous ;
 Te a zo un den disordren , hac atao ouz va gourdious ;
 Te a zo un den scandalus , ha prest d'am brezellecât ,
 Balamour ma lacàn calz tud da eva , d'ober cher vad.

AR C'HORAIZ.

Nê qet avoale'h sur qemense , pa gomzres qen insolant .
 Hanvet mat ez out Molarge , rac ne ouzout qet parlant ;
 Te a zo un den intourdi , carguet a fallagries ,
 Hac a laca calz dizurzou ebars er rouantelez .

MOLARGE.

Roes-te peoc'h dìn-me , Coraiz , ha lezes-te da gojou ;
 Me bepret n'em divertisso , groignet an nep a garo ;
 Ne zispignàn netra da zen , me rayo d'am santimant ,
 Hac a rayo bepret cher-vat qeit ma pado va arc'hant .

AR C'HORAIZ.

Calz a dud a zo er bed-mâ a voal-dispign o danve ,
 Hac en em laqa e danger , siouas ! da goll o ene ,
 Pere a zo tud obstinet , caledet en o fec'het ,
 Hac a deu da anconac'hat Jesus-Christ , Salver ar bed .

MOLARGE.

Roes-te peoc'h dìn-me , Coraiz , scuiza rân ouz da glêvet ;
 Me fell dìn n'em divertissa bremâ gant va mignonet .
 N'emeus nemet daou pe dri de da chom assambles gante ,
 Mes varben daouzez mis amâ e teuïn c'hoas adare .

AR C'HORAIZ.

O Molarge , den milliguet ! me garfe e ves maro ,
 Evit na deufes birviqen davantach ebars er vio ;

Te a zo un den didruez bars en andret da ene :
Poent ê dit n'emi gconvertissa, ha distrei pront oc'h Doue.

MOLARGE.

N'em gconvertis nep a garo, m' ne dòn qet chagrinet ;
Me fell din n'em divertissa, oc'h ober cher-vat bepret.
Me a zo ur potr hep sourci, ha ne dòn qet chagrinet
Dac'hout piou n'em gconvertisso, rac me ne dòn qet presset.

AR C'HORAIZ.

Un dra derrubl eo, maleurus, e vez-te qen obstinet
Gant ar güin ha gant ar cheriou, den cruel ha direwet !
Te verit beza chasseet eus ar vro hac ar c'harter,
Dre ma zout un den libertin, un infam hac ur mevier.

MOLARGE.

N'en dê qet êru an termen din-me c'hoas evit quitât ;
Qent ma quitain ar vro-mâ mee evo c'hoas boutaillat.
Me eo Molarge, va mignon, hac a gar ar blijadur,
Evit dansal hac ebatal, ober cher-vat dreist muzur.

AR C'HORAIZ.

Te barlant evel ur brutal, den milliguet ha barbar ?
Te a zo ur monstr infernal, digasset var an douar ;
Capabl e zout da revina hac ar vro hac ar c'hauton ;
Calz a dud o senti ouzit a ra o daonation.

MOLARGE.

Sonjal a res dre da gomzou donet aben d'am spônta,
Mes me zo un den, va mignon, dichagrinusa bep tra ;
Me a zo un den, va mignon, a laqa an dud contant,
An noblanç hac ar yourc'hisien, argomun ha tud yaouanq.

AR CHORAIZ.

Ret eo lavaret, va Doue, e zeo bras ho madelez ,
Pa bermetit gant ur seurt den qement fallagriez.
Nedoc'h qet un Tad venjançus, o souffri gant ar pec'her ,
Bete ma teu doc'h insulti en bo Templou , va Zalver.

MOLARGE.

Comanç a ràn d'en cm nec'hi, o velet'ranqàn quitât
Va flijadur ha va cheriou bremàn vit ur pennat-mal;
Racse en em divertissom, gant calz a gontantamant,
Rac var ben un nebeut amàn hor bezo sur chenchamant.

AR C'HORAIZ.

Penos eta, den insolant, den milliguet ba barbar,
Ne veles-te qet exposet Jesus-Christ, Roue ar gloar?
C'hoas e c'heus an iffrontiri, den aheurtet hac ingrat,
Da zont bemde d'en offanci dre bec'hejou execrabi!

MOLARGE.

Ro-te peoc'h din-me Coraiz, ne get deut c'hoas va zermen;
Varben un nebeudic amâ e vez grêt pinijen.
Amzer avoalc'h o de'o an dud er spaç eus a zeiz sizun
Da zont da zebri souben dreut d'ober pinijen ha yun.

AR C'HORAIZ.

Mab Doue an Tad Eternel zo eus an ên disqennet,
Hacia zo en em incarnet bars ar Verc'hes beniguet,
Pehini zo bet en dezert an nonibr a zaou-uguent de,
Evit deliyra'r bec'herien demeus a gaptivite.

MOLARGE.

Guell e ve dide, Coraiz treud, studia da sarmoniou;
Rac bete Merc'her al Ludu me en em divertisso
Assamibles gant va mignonet, pa zomp-ni en em gavet:
Qen a wo deut an amzer-ze, ni rayo frico bepfet.

AR C'HORAIZ.

Poent e cavàn did, Molarge, achui da gomplimant,
Rac var ben un nebeut amâ e sono cloch ar guær-màn.
Qementse a zisquez ervat e zout un den disfècon,
Pa ranquer dont das chasseal eus ar vro hac ar c'hantor.

MOLARGE.

Ma viges-te deuet en deiz evel ma zout deut en nos,
Me raje dide discampi ha na pige qet repos;

P'òn em brassa contantamant hac ebars em plijador,
Out deut da droubli va speret, den cruel ha dinatur.

AR C'HORAIZ.

Me n'òn qet certen dinatur, er c'hontrel da guementse,
Mes deut ez òn das chasseal demeus ar vro, Molarge,
Dre ma zout un den ignorant, carguet a impurete,
Ez òn deut vit das c'hasseal demeus abers un Doue.

MOLARGE.

O na pebez tristidiguez a zo ebars em c'halon,
O velet e ranqàn quitat tud ar vro hac ar c'hanton!
Adieu eta, va mignonet, an oll generalamant;
Bremàn e ranqàn ho quitat gant calz eus a nec'hamant.

AR C'HORAIZ.

Nousen birviqen, va Doue, avoalc'h ho trugarecât;
C'houi zo un Tad carantezus, atao favorabl ha mat;
Va speret a zo contantet, rejouisset va c'halon,
Pa meus chasseet Molarge eus ar vro hac ar c'hanton.

Ha racse eta, va zud qèz, breman' n'em convertisset,
Ha distroit varzu Doue gant ur garante barfet;
Tostait d'ar Sacramanchou, ha deut d'ober pinjen,
Hac e viot recompanset gant Doue da virviqen.

Me ho supli, oll Gristenien, demeus a greiz va c'halon,
Da zont da imita Jesus ebars en e Bassiou;
Caromp Doue a greiz galon, hac en deiz coulz hacen nos:
Ennes eo sur ar güir voyen da c'honit ar Barados.

FIN.

E Montroulez , e ti LÉDAN , e traon ru ar Vur.